

22 Mei 2012

Kakak saya dianiaya lelaki warga Afrika - Adik

KUALA LUMPUR 21 Mei - Kira-kira lapan tahun lalu, seorang wanita dikenali sebagai Punitha, sering dilihat menjalankan khidmat sukarela menjaga bayi di sebuah pusat ibadat di ibu negara.

Bagaimanapun nasib malang menimpa wanita berusia 55 tahun itu apabila dia menjadi keldai dadah selepas terpedaya dengan pujukan satu sindiket penyeludupan dadah dipercayai warga Afrika ketika berada di Peru.

Dia sebelum itu mengikut satu keluarga rakyat tempatan untuk bekerja sebagai pengasuh bayi di Ireland, namun dihalau selepas bekerja selama dua tahun.

Menurut adik mangsa, Bala Ganapathy, 50, kakaknya mengenali keluarga tersebut di sebuah pusat ibadat apabila dia sering turun ke tempat itu untuk bekerja secara sukarela sebagai penjaga bayi.

"Dalam tempoh dua tahun Punitha menjaga bayi keluarga tersebut, dia dilayan dengan baik namun, situasinya berubah apabila tercetus pergaduhan antara ahli keluarga tersebut.